

**Ingingo ya 68:**

1. *Minisitiri ushinze gutwara abantu n'ibintu ashobora : Kugabanya uburemere ntarengwa buteganyijwe mu ngingo ya 67, ku bice bimwe na bimwe by'umuhanda kimwe no ku mateme, ibyombo cyangwa ku bindi byubatswe ku nzira nyabagendwa ku buryo bukwiranye n'icyatuma ayo mayira y'ibyo byubatswe bitakwangirika no kurinda ibyago abagenda mu mihanda .*

Igiteranyo cy'uburemere bwemewe kizagaragazwa ku cyapa N° c,7 gishinzwe ku mpera z'imihanda cyangwa hafi y'ibyo byubatswe muhanda byavuzwe haruguru.

2. Iyo uburebure ntarengwa bwemewe bwashizweho hakurikijwe ibivugwa mu ngingo ya 67 burenga toni eshatu ,kimwe no ku modoka zose cyangwa romoruki byagenewe gutwara ibintu, ibiranga uburemere bw'ibinyabiziga n'ubw'ibyo bishobora kwikorera byandikishwa na nyirabyo mu rubavu rwabyo rw'iburyo ahagana imbere.  
*Ibyo bishobora kwandikishwa irangi kuri karisori cyangwa bikandikwa ku cyapa gifashe neza kuri karisori.*

*Inyuguti n'imibare bigomba kugira byibura santimetero 5 z'ubuhagarike n'umubyimba wabyo ukagira byibura miri metero 5.*

Ibyanditseho n'uko byandikwa bigomba guhuza n'ibiri ku rugero rwa 2 rw'ingereka ya 8 y'iri teka.

**Ibimaze kuvugwa nti bikurikizwa:**

- a) Ku mashini zihinga;
  - b) Ku mashini zihariye zikoreshe n'abapataniye imirimo;
  - c) Kuri za otobosi no kuzindi modoka nini zitwara abantu;
  - d) Ku byo ibinyabiziga bitwaye inyuma no ku tunyabiziga dukurura nk'utwikorera ingeri z'ibiti .
3. Iyo ubifitiye ububasha ashidikanya ku buremere bukubiye hamwe bw'ikinyabiziga ,umuyobozi ategetse kumuba hafi no kumufasha mubyo agomba ku genzura bitagombye kurenza amasaha abiri.

**3.4.UMUTWE WA IV: IBINYABIZIGA BIKURURANA****Ingingo ya 69**

Ibivugwa mu ngingo ya 57 kugeza kuya 68 z'iri teka bikurikizwa kuri buri kinyabiziga cyose kiri mubi kururana.

**Ingingo ya 70:**

1. Ikinyabiziga kigendeshwa na moteri n'ikinyabiziga gikururwa n'inyamaswa ntibishobora gukurura ibinyabiziga birenze bibiri .  
**Nyamara ipikipiki ifite akanyabiziga ku ruhande ntishobora gukurura romoruki n'imwe.**
  2. *Gushyira mu muhanda ku buryo budasanzwe ibinyabiziga bikururana birenze bitatu bigomba gutangirwa uruhusa na Minisitiri ushinze gutwara abantu n'ibintu.*
  3. Ibivugwa mu gika cya 1 n'icya 2 by'iyi ngingo ntibikurikizwa ku binyabiziga bikururana bivugwa hepfo, bipfa kuba bigenda bitarengeje umuvuduko wakilometero 20 ku isaha.
    - a) Ibinyabiziga bikururana bikoreshe mw'imurika- gurishwa cyangwa na ba mukerarugendo iyo bivuye aho bibikwa bigiye gukora cyangwa se iyo byimutse aho byakorera biya gukora ahandi.
    - b) Ibinyabiziga bikururana bikoreshe n'abapataniye imirimo iyo bivuye aho bibikwa bigiye aho bikora cg iyo bitahutse cg se iyo byimutse aho byakorera biya gukora ahandi.
    - c) Imashini zihinga zikururana iyo zigenda urugendo rutarenze kilometero 25 rwaho zikora.
    - d) Ibinyabiziga bikururana bitwaye ibyamamazwa
- ✓ **Igiteranyo cy'uburebure bw'ibyo binyabiziga bikururana nti bishobora kurenza metero 25.**